



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Leben/ Francisci Borgiae, Dritten Generals der Societet  
lesv**

**Ribadeneyra, Pedro de**

**Jngolstatt, 1613**

XIV. Deß Keyzers Ableiben/ vnd welcher massen jn Franciscus in der  
Leichpredig gelobt.

**urn:nbn:de:hbz:466:1-42873**

Von des Keyfers tödtlichem Ableiben/ vnnnd welcher massen ihne Franciscus in der Leichpredig gelobt.

**M**ls Franciscus wider daheimß angelangt/ gibe er dem Keyser Bericht / was er verricht habe. Zusser dessen waren all seine Redē von der Seelen Heyl/ vnd geistlichen Betrachtungen: Dañ sich der Keyser damaln mit Ernst zum Todt beraitet/ vnd wünschte nichts höhers / als daß er seines zugebrachten Lebens/ vnd Verwaltung des Keyserthumbs/ vor Gott dem einigen vnnnd höchsten Richter der Herzen/ bestehen möchte. Allda Franciscus mit Einführung vnd Anziehung göttlicher Barmherzigkeit vñ Güte / den Schwachen getröst vnd vbersich gericht. Vnd hat dise Annahmung zu fürsichtiger Beraitschafft zum Tod / Franciscum nicht betrogen. Dann so baldt er auß dem Kloster Kommen/ vnnnd sich zu Vallisolet kaum hette können umbkehren/ da ist die trawige Botschafft schon verhanden/ der Keyser sey gestorben/ den 21. Tag Septemb. Anno 1558. Zur Exequution vnnnd Vollziehung seines inn Schrifftten verfaßten Testaments vnnnd ratificirten letzten Willen/ hat er Franciscum außerkiesen vnd benennet. Nicht wenig aber hat ihn bekümmert/ daß er in seinem letzten Ende vnnnd Auffgebung des Geists/ nicht solle mit vnnnd darbey gewesen seyn/ vnd Carolo Beystandt gethan haben/ damit er seinem aller grösten / vmb ihne so wol verdienten Patron/ disen letzten Dienst erweisen/ vnnnd ihme die Augen beschliessen mögen. Jedoch / als er hernach gebetten worden/ ihme eine Lob vnd Leichpredig zuhalten / hat er sich dessen nicht gewaigert/ vnd solche gehalten zu Vallisolet in grosser Versammlung des ganzen Adels/ darzu er die Wort des Königlichten Prophetens genommen: Sihe/ weit hab  
ich

ich mich darvon gemacht/ bin geflohen/ vnd in der Einds  
de gebliben. Dise Heroische That des Keyfers/ hat er mit  
löblichē Worten erhebt/ welcher/ nach dem er so vil mäch-  
tiger Feindt überwunden vnd triumphirt/ einest auch sich  
selbst überwunden. Dann er allen menschlichen dingen/  
dem Keyserthumb vnd Königreichen Urlaub geben/ von  
sich geschoben/ sich weit darvon gemacht/ ein einsamb  
vnd Privatleben erwöhlet vnnnd angestellt/ die Keyserliche  
vnnnd Königliche Kronen/ Scepter/ Mayestät vnnnd Ges-  
walt freywillig von sich zu den Füßen Christi des Secreus-  
zigten gelegt/ damit (weil er seinen Todt längst zuuor ver-  
merckt) der seiner Verwaltung halber des Keyserthumbs/  
dem höchsten Keyser desto bequemer möchte Rechēschafft  
geben/ vnd mit guter Hoffnung der ewigen Seligkeit ges-  
wartten. Vnder anderem ist/ vnd solle dises billich ver-  
merckt/ vnd der ganzen Posteritet vnd Nachkommen zu  
ewiger Gedächtnuß hinderlassen werden/ daß er Keyser  
Carl/ von dem einvndzweinzigisten Jahr seines Alters/  
kein einzigen Tag hingelassen/ an dem er nit im Gebete  
vnd Betrachtung ein Stundt angewendt vñ zugebracht/  
die er anderen Geschäften entzogen. Endlich hat Frans-  
ciscus den letzten Theyl seiner Predig/ von dem Todt/ daß  
er ein Thür zum ewigen Leben sey/ beschlossen.

## CAPVT XV.

Von Widerwertigkeit/so der Societet in His-  
spanien begegnet.



Dieser Zeit hat sichs begeben/ daß die vmb sich  
fressende Sucht der schwebēde Kezerey heim-  
lich eingerissen/ welches Vbel/ je stiller vnnnd  
heimlicher es sich helt/ je gefährlicher ist es.  
Durch kleine Sünckle hat es seinen Anfang genommen/  
T wie